

晉

書

料

注

晉書附注卷三

錢塘吳士鑑

同注

烏程劉承幹

帝紀第三

武帝

武皇帝諱炎字安世

案文選西征賦注引臧榮緒晉書武帝紀誤作世安開居賦注引不誤

世語言語篇注引晉世譜作字安宇蓋唐人避諱所改

文帝長子也寬惠仁厚沈

深有度量

初學記九王隱晉書曰寬惠仁厚深密有智量御覽一百四十八引王書作寬仁厚德深

沈有智量風度容貌偉如也

魏嘉平中封北平亭侯歷給事中奉車

都尉中壘將軍加散騎常侍累遷中護軍假節迎常道

鄉公於東武陽遷中撫軍

案御覽一百四十八王隱晉書曰景元中爲撫軍與本書

列於嘉平

進封新昌鄉侯及晉國建立爲世子

御覽一百四十

時者異

八王隱晉書曰咸熙元年晉國初開立爲世子拜撫軍大將軍開府副貳相國

初文帝以景帝旣宣帝之嫡早世無後以帝弟攸爲嗣

特加愛異自謂攝居相位百年之後大業宜歸攸每日

此景王之天下也吾何與焉將議立世子屬意於攸何

曾等固爭曰中撫軍聰明神武有超世之才髮委地手

過膝此非人臣之相也

類聚十六王隱晉書曰初武帝未爲世子文帝問裴秀人有相

否秀曰中撫軍立髮至地手過於膝

由是遂定

咸熙二年五月

羣書拾補曰咸熙二年不應提行

立爲晉王太子八月

辛卯文帝崩太子嗣相國晉王位下令寬刑宥罪撫眾

息役國內行服三日是月長人見於襄武長三丈告縣

人王始曰今當太平水經渭水注曰魏志稱咸熙二年襄武上言大人見身長八尺三

丈餘跡長三尺二寸白髮著黃單衣巾拄杖呼民王始語云今當太平十二月天祿永終歷數在晉遂遷魏而

事晉九月戊午以魏司徒何曾為丞相鎮南將軍

王沈為御史大夫中護軍賈充為衛將軍議郎裴秀為

尚書令光祿大夫皆開府十一月初置四護軍以統城

外諸軍乙未令諸郡中正以六條舉淹滯一日忠恪匪

躬二日孝敬盡禮三日友于兄弟四日絜身勞謙五日

信義可復六日學以為己是時晉德既洽四海宅心於

是天子知脉數有在乃使太保鄭冲奉策曰

嚴可均全晉文注曰

案御覽二百二十引晉陽秋曰朱整少有名行官至中書監魏禪晉使整與中書令劉良共爲詔若然則詔策亦必此二咨爾晉王我皇祖有虞氏誕膺靈運受終于人所撰

陶唐亦以命于有夏惟三后陟配于天而咸用光敷聖

德自茲厥後天又輯大命于漢火德既衰乃眷命我高

祖方軌虞夏四代之明顯我不敢知惟王乃祖乃父服

膺明哲

郝懿行晉宋書故曰乃祖乃父猶今言你耶你祖耶也你乃

古今音轉耳漢高帝言乃翁卽你父也言若翁亦汝父也禮記子孫曰哀夫曰乃乃非語詞乃卽你也今鄉里鄙人夫婦相謂俱呼曰你卽禮記之乃也後世不知此義多有舛譌宋書荀伯子傳江夏公衛璜上表自陳而日臣乃祖故太保瑾鮮卑吐谷渾傳亦曰我乃祖以來樹德遼右自言其祖爲乃祖所謂名不正則言不順矣

劉穆之傳高祖表曰獻其乃懷布之輔亮我皇家勳德
朝聽本自獻懷而云乃懷亦爲失也
光于四海格爾上下神祇罔不克順地平天成萬邦以
乂應受上帝之命協皇極之中肆予一人祇承天序以
敬授爾位厯數實在爾躬允執其中天祿永終於戲王
其欽順天命率循訓典底綏四國用保天休無替我二
皇之弘烈帝初以禮讓魏朝公卿何曾王沈等固請乃
從之

泰始元年冬十二月景寅設壇于南郊

御覽六百五十二王隱晉書曰

咸熙二年十二月丙寅

上乃設壇受命於郊百僚在位及何奴南單于四夷

會者數萬人柴燎告類于上帝曰皇帝臣炎敢用玄牡

明告于皇皇后帝魏帝稽協皇運紹天明命以命炎昔
者唐堯熙隆大道禪位虞舜舜又以禪禹邁德垂訓多
历年載暨漢德既衰太祖武皇帝撥亂濟時扶翼劉氏
又用受命于漢粵在魏室仍世多故幾於顛墜實賴有
晉匡拯之德用獲保厥肆祀弘濟于艱難此則晉之有
大造于魏也誕惟四方罔不祇順廓清梁岷包懷揚越
八紘同軌祥瑞屢臻天人協應無思不服肆予憲章三
后用集大命于茲炎維德不嗣辭不獲命於是羣公卿
士百辟庶僚黎獻陪隸暨于百蠻君長僉曰皇天鑒下
求人之瘼既有成命固非克讓所得距違天序不可以

無統人神不可以曠主炎虔奉皇運寅畏天威敬簡元

辰升壇受禪告類上帝永荅眾望禮畢卽洛陽宮幸太

極前殿

御覽六百五十二王隱晉書曰卽洛陽宮幸太極殿初學記二十王隱晉書作幸太極殿前

詔曰昔朕皇祖宣王聖哲欽明誕應期運熙帝之載肇

啟洪基伯考景王履道宣猷緝熙諸夏至于皇考文王

淑哲光遠允協靈祇應天順時

文館詞林六百六十八引作順人受茲

明命仁濟于宇宙功格于上下

文館詞林六百六十八引上下作天地肆

魏氏弘鑒于古訓儀刑于唐虞疇咨羣后爰輯大命于

朕身子一人畏天之命用不敢違

文館詞林六百六十八引此句下有遂登

壇于南郊受終于文祖燔柴班類告類上帝十八字

惟朕寡德負荷洪烈

文館詞林六百

六十八引此句下有允執其中四字

託于王公之上以君臨四海惴惴惟

懼罔知所濟惟爾股肱爪牙之佐文武不貳之臣

詞文
林館

六百六十八引
貳下有「心」字

乃祖乃父實左右我先王

文館詞林
六百八十一

此句下有以強

光隆我大業思與萬國共享休祚

詞文
林館

六百六十八引享作饗休作體案
休與俗書之休相似故誤改體

於是大赦改元

詞文
林範

六百六十八引作其大歲天下與
不道已下在元年十二月七日昧

之更始自謀反大逆
夷以前皆赦除之改

咸熙二年爲
泰始元年

賜天下爵人五級鰥寡孤獨不能自存者

穀人五斛復天下租賦及關市之稅一年逋債宿負皆

勿收除舊嫌解禁錮亡官失爵者悉復之丁卯遣太僕

劉原告于太廟封魏帝爲陳留王

通典七十四作源魏志三少帝紀注孫盛

魏世譜曰封帝為陳留王年五十八太安元年崩諡曰元皇帝御覽九十四引作年二十八誤三國志攷證二日漢獻帝初封陳留王常道鄉公禪晉後亦封陳留王魏之天下得於陳留王者失亦於陳留王邑萬戶居於鄴宮魏氏諸王皆為縣侯魏志三少帝紀注太平御覽九十四魏世譜曰晉受禪封齊王為邵陵縣公年四十三泰始十年薨諡曰厲公案如孫盛所言魏氏諸王有封縣公者不盡封縣侯也追尊宣王為宣皇帝景王為景皇帝文王為文侯也

皇帝宣王妃張氏為宣穆皇后尊太妃王氏曰皇太后宮曰崇化封皇叔祖父孚為安平王皇叔父幹為平原王亮為扶風王仲為東莞王駿為汝陰王彤為梁王倫為琅邪王皇弟攸為齊王鑒為樂安王幾為燕王宣五王文六王列傳皇從伯父望為義陽王皇從叔父輔為渤海幾均作機

王晃爲下邳王瑗爲太原王珪爲高陽王衡爲常山王

子文爲沛王周家祿校勘記曰沛王名景當作景爲沛王按此外復有高密王稱簡會稽王稱昌

明咸寧元年文與此同泰爲隴西王權爲彭城王綏爲疑當時本以字行也

范陽王遂爲濟南王遜爲譙王睦爲中山王陵爲北海

王斌爲陳王皇從父兄洪爲河間王皇從父弟楸爲東

平王以驃騎將軍石苞爲大司馬封樂陵公車騎將軍

陳騫爲高平公衛將軍賈充爲車騎將軍魯公尙書令

裴秀爲鉅鹿公侍中荀勗爲濟北公晉書校文一日攷助傳帝受禪改封

濟北郡公勗以羊祜讓乃固辭爲侯則助並未受公爵

芝段書諸臣初封進公者凡十蓋一與諸人同時受封者也太保鄭沖爲太傅壽光公

李膺書有芝二人非紀之疎也

太尉王祥為太保睢陵公丞相何曾為太尉朗陵公御

史大夫王沈為驃騎將軍博陵公司空荀顗為臨淮公

鎮北大將軍衛瑾為蕃陽公

晉書校文一日瑾魏末為鎮西將軍泰始初轉征東

將軍進爵為公其為征北大將軍則在後咸寧二年且征北非鎮北也以上下文書法例之當云以鎮西將軍

衛瑾為征東將軍封蕃陽公其餘增封進爵各有差文武普增位二

等改景初厯為太始厯臘以西

案御覽三十三晉起居注日安帝隆安四年十

二月辛丑臘祠作樂是社以丑案社以祭土故古之祭

晉時不盡用酉臘矣杜佑通典亦云周初未制禮社日猶

召詰戊午乃社白六帖引鄭君禮記注元日謂近春分

前後戊日元吉也杜佑通典亦云周初未制禮社日猶

用戊後乃定用甲日郊特牲及月令鄭注是矣漢社日

用戊魏社日用未魏臺訪議日帝問何用未社丑臘王

肅對日魏土也土畏木丑之明日便用寅寅木也故以

丑臘土成於未故於歲始未社也惟晉社用丑蓋五行

生剋各有趨避非古制也又案類聚五潘尼皇太子社
詩曰吉日惟上酉應碩祝社文曰吉酉良辰稽含社賦
序曰至於大晉則社孟月之酉日是晉時亦用酉日社
矣王虞春社櫟頌云吉辰今上戊則東晉又兼用戊日
也戊辰下詔大弘儉約出御府珠玉玩好之物頒賜王

公以下各有差置中軍將軍以統宿衛七軍已已詔陳

留王載天子旌旗備五時副車行魏正朔郊祀天地禮

樂制度皆如魏舊上書不稱臣

通典七十四封魏帝為陳留王詔曰明德昭融

遠鑒天命欽象厯數用禪厥位敢咨故訓以敬授青土于東國永為晉賓載天子旌旗乘五時副車行魏正朔郊祀天地禮樂制度皆如魏舊以承王顯祖之禮賜山
祀又曰王上書不稱臣答報不為詔一如賓禮

陽公劉康安樂公劉禪子弟一人為駙馬都尉

蜀志後主傳曰

泰始七年薨於洛陽注蜀紀曰謚曰思公子恂嗣洛陽
伽藍記二日東陽門外二里御道北李延實宅是蜀主

劉解宅 乙亥以安平王孚爲太宰假黃鉞大都督中外諸

軍事詔曰昔王浚謀廢齊王而王竟不足以守位鄧艾

雖矜功失節然束手受罪今大赦其家還使立後魏志

傳作鄧艾矜功失節實應大辟然被書之日罷遣人眾

束手受罪比於求生遂爲惡者誠復不同今大赦得還

若無子孫者聽使立後令祭祀不絕注世語曰咸寧中

積射將軍樊震爲西戎牙門得見辭武帝問震所由進

震自陳會爲鄧艾伐蜀時帳下將帝遂尋問艾震具申

艾之忠言之流涕先是以艾孫朗爲丹水令由此遷爲

定陵令次孫千秋有時望光祿大夫王戎辟爲掾永嘉

中朗爲新都太守未之官在襄陽失火朗及母妻子舉

室燒死惟子韜子行得免千秋先卒二子亦燒死又諸

葛亮傳注漢晉春秋曰樊建爲給事中晉武帝問諸葛

亮之治國建對曰聞惡必改而不矜過賞罰之信足感

神明帝曰善哉使我得此人以自輔豈有今日之勞乎

建稽首曰臣竊聞天下之論皆謂鄧艾見枉陛下知而

不理此豈馮唐之所謂雖得頗牧而不能用者乎帝笑

日吾方欲明之卿言起我意於是發詔治艾焉案申理
鄧艾郭頒作樊震習鑿齒作樊建疑卽一人而傳聞或
誤惟所稱官名與滅繼絕約法省刑除魏氏宗室禁錮
則又不同耳

諸將吏遭三年喪者遣宐終喪

宋書禮志通典八十作諸將吏二千石以下遭

三年喪者聽歸終宐

百姓復其徭役罷部曲將長吏以下質任省

郡國御調禁樂府靡麗百戲之伎及雕文游畋之具

書鈔

一百三十九晉起居注曰太始元年詔曰乘黃廐開直
離車共奉田獵嬉游之事凡若此類皆悉罷之

言之路置諫官以掌之是月鳳皇六青龍三白龍二麒麟

麟各一見于郡國

二年春正月景戌遣兼侍中侯史光等持節四方循省

風俗除禳祝之不在祀典者

通典五十五曰泰始二年有司奏春分祠厲殃及禳

祠詔曰不在丁亥有司請建七廟帝重其役不許庚寅祀典除之

罷雞鳴歌

晉宋書故曰按周禮雞人夜啼旦以詔百官今京師夜漏二十餘刻後遷卒一人先唱眾

人屬和其聲抑揚宛轉有音無字須臾之間徧傳遠近以警羣官蓋卽雞人啼旦之意因檢東坡集卷六十七說雞鳴歌云今來黃州聞黃人二三月皆羣聚謳歌其詞固不可分而其音亦不中律呂但宛轉其聲往反高下如雞唱爾與廟堂中所聞雞人傳漏微有相似卽引漢官儀宮中不蓄雞汝南出長鳴雞衛士候朱雀門外專傳雞鳴應劭曰今雞鳴歌也又引晉太康地道記後漢固始卽陽公安細陽四縣衛士習此曲於關下歌之今雞鳴歌是也然則宋之黃州不出汝南境界東坡所聞卽雞鳴遺聲讀太康記豈雞鳴歌經秦始罷後汝南傳唱遺韻猶存顏師古不知而妄破其說故東坡爲之置辯今京師聞此聲通謂之哈號蓋亦不知卽雞鳴歌矣余以其音源流來遠合於周官嘒旦之義因述而志之以存古云案類聚六十二引應劭漢官儀高祖旣登帝位卽陽固始細陽歲遺雞鳴歌辛丑尊景皇帝夫人士常謳於關下郝氏未引此條

羊氏曰景皇后宮曰弘訓景午立皇后楊氏二月除漢

宗室禁錮己未常山王衡薨詔曰五等之封皆錄舊勳

本爲縣侯者傳封次子爲亭侯爲鄉侯爲關內侯亭侯

爲關中侯

廿二史攷異十八日亭侯之下不當有爲字

皆食本戶十分之一

丁丑郊祀宣皇帝以配天宗祀文王帝於明堂以配上

帝

讀史舉正曰案下文有庚午此疑爲乙丑然本書禮志亦作丁丑則是庚午有誤周家祿校勘記曰文皇

帝誤作文王帝

庚午詔曰古者百官官箴王闕然保氏特以諫

諍爲職今之侍中常侍實處此位擇其能正色弼違匡

救不逮者以兼此選三月戊戌吳人來弔祭有司奏爲

荅詔帝曰昔漢文光武懷撫尉他公孫述皆未正君臣

之儀所以羈縻未賓也皓遣使之始未知國慶但以書
荅之夏五月戊辰詔曰陳留王操尙謙沖每事輒表非
所以優崇之也主者喻意非大事皆使王官表上之王
子驃騎將軍博陵公王沈卒讀史舉正曰案下七月丙午晦則五月無戊辰王子
日矣又戊辰下距王子四六月壬申濟南王遂薨秋七
月辛巳營太廟致荆山之木采華山之石鑄銅柱十二
塗以黃金鏤以百物綴以明珠御覽五百三十一引漢晉陽秋作填以丹青綴
以珠玉以麗之也戊戌譙王遜薨景午晦日有食之惠棟續漢志補注曰
案日食皆在朔而書晦者史官不能定期食故也八月景辰省右將軍官初帝
雖從漢魏之制既葬除服而深衣素冠降席撤膳哀敬

如喪者戊辰有司奏改服進膳不許遂禮終而後復吉
及太后之喪亦如之九月乙未散騎常侍皇甫陶傳玄
領諫官上書諫諍有司奏請寢之詔曰凡關言人主人
臣所至難而苦不能聽納自古忠臣直士之所慷慨也
每陳事出付主者多從深刻乃云恩貸當由主上是何
言乎其詳評議戊戌有司奏大晉繼三皇之蹤蹈舜禹
之跡應天順時受禪有魏宜一用前代正朔服色皆如
虞遵唐故事奏可

通典五十五曰晉金德太始二年散
騎常侍傅元上議帝王受命應祿禪

代則不改正朔遵變征伐則改之舜正月上日受終於
文祖無改正之文唐虞正朔皆同明矣至殷周革命乃
改魏受漢禪亦已不改至於服色皆從其本唯節幡用
黃大晉以金德王天下順五行三統之序詔從之由是

正朔服色並依前代孫盛晉陽秋論曰孔子修春秋列
三統爲後王法今仍舊非也晉爲金行而服色尙赤考
之古道乖違甚矣冬十月景午朔日有蝕之丁未詔曰昔舜葬

蒼梧農不易畝禹葬成紀市不改肆上惟祖考清簡之
旨所徙陵十里內居人動爲煩擾一切停之十一月己
卯倭人來獻方物并園丘方丘於南北郊二至之祀合
於二郊罷山陽公國督軍除其禁制己丑追尊景帝夫
人夏侯氏爲景懷皇后辛卯遷祖禰神主于太廟十二
月罷農官爲郡縣是歲鳳皇六青龍十黃龍九麒麟各
一見于郡國讀史舉正日案上二年十月丙子朔則癸丑與下文丁卯二日當在二月入通正月
非下四年六月朔亦不應甲申廿二史攷異十八日本紀例當書而遺漏者如諸州分置皆書而泰始三年分

益州爲梁州太安二年復分益州爲益州並失書諸王
初封皆書而泰始中封隨王邁館志惠帝時封新野
王欽南平王祥淮陵王漼懷帝時封豫章王詮豫章王
端元帝時封譙王承並失書諸帝廟號皆書而孝武廟
號烈宗失書三公薨皆書而義熙三年司徒揚州刺史
王謐薨失書南渡以後荊州都督刺史皆書而太元九
年桓石民除荊州失書河西張氏子弟嗣位
皆書而太安元年張茂卒兄子駿嗣失書

三年春正月癸丑白龍二見于弘農澠池丁卯立皇子

衷爲皇太子初學記十晉起居注曰武帝泰始三年有

祖宗之遺德至於建詔曰朕以不德託于四海之上兢

兢祇畏懼無以康濟寓內思與天下式明王度正本清
源於置胤樹嫡非所先務又近世每建太子寬宥施惠
之事閒不獲已順從王公卿士之議耳方今世運垂平

將陳之以德義示之以好惡使百姓蠲多幸之慮篤終始之行曲惠小仁故無取焉咸使知聞三月戊寅初令

二千石得終三年喪丁未晝昏罷武衛將軍官以李憲

為太子太傅太山石崩

羣書拾補曰案志乃大石山崩魏明帝之陵也五行志下作三

年三月戊午大石山崩案紀於太山石崩下接書夏四月戊午似戊午既在三月不應四月又有戊午也志恐有誤夏四月戊午張掖太守焦勝上言氏池縣大柳谷口

有立石一所白晝成文實大晉之休祥圖之以獻

宋書符瑞

志上曰張掖刪丹縣金山柳谷有石生焉于中布列有文字曰上上三天王述大會討大曹金但取之金立中大金馬一匹中正大吉關壽此馬甲寅述水凡三十五字既而晉以司馬氏受禪大尉屬程猗說曰夫大者盛之極也金者晉之行也中者物之會也吉者福之始也此言司馬氏之王天下感德而生應正吉而王之符也

魏志明帝紀注搜神記曰初漢元成之世先識之士有言曰魏年有和當有開石於西三千餘里繫五馬文曰大討曹及魏之初興也張掖之柳谷有開石焉始見於建安形成於黃初文備於太和周圍七尋中高一切蒼質素章龍馬麟鹿鳳皇仙人之象粲然成著此一事者魏晉代興之符也至晉泰始三年張掖太守焦勝上言以留郡本國圖校今石文文字多少不同謹具圖上按其文有五馬象其一有人平上轡執戟而乘之其一有若馬形而不成其字有金中有大司馬有王有大吉有正有開壽其一成行日金當取之又漢晉春秋日氏池縣大柳谷口夜激波涌溢其聲如雷曉而有蒼石立水中長一丈六尺高八尺白石畫之爲十三馬一牛一鳥八卦玉珎之象皆隆起其文曰大討曹適水中甲寅帝惡其討也使鑿去爲計以蒼石室之宿昔而白石滿焉至晉初其文愈明馬象皆煥徹如玉焉御覽八百七十三祥瑞圖日其石狀象龜疑然盤峙廣一丈六尺長一丈七尺周圍五丈餘蒼質麟鳳龍馬炳煥成形文字粲然斯蓋大晉受終聖德兼賅之應也又魏氏春秋日明帝時青龍三年張掖刪丹縣金山元川溢湧寶石負圖狀象靈龜立於川西有石馬七其一仙人騎之其一

案孫毓雖有此議而謚曰文罷振威揚威護軍官置左
明不曰文獻蓋未用其議也

右積弩將軍六月甲申朔詔曰郡國守相三載一巡行

屬縣必以春此古者所以述職宣風展義也

五禮通考一百七十

九日此後世遣使代巡之始晉書校文見長吏觀風俗

一日當從通鑑目錄作丙申甲字誤

協禮律考度量存問耆老親見百年錄囚徒理冤枉詳
察政刑得失知百姓所患苦無有遠近便若朕親臨之
敦喻五教勸務農功勉勵學者思勤正典無爲百家庸
末致遠必泥土庶有好學篤道孝弟忠信清白異行者
舉而進之有不孝敬於父母不長悌於族黨悖禮棄常
不率法令者糾而罪之田疇闢生業修禮教設禁令行

則長吏之能也人窮匱農事荒姦盜起刑獄煩下陵上
替禮義不興斯長吏之否也若長吏在官公廉慮不及
私正色直節不飾名譽者及身行貪穢諂黷求容公節
不立而私門日富者竝謹察之揚清激濁舉善彈違此
朕所以垂拱總綱責成於良二千石也於戲戒哉秋七
月太山石崩眾星西流戊午遣使者侯史光循行天下
己卯謁崇陽陵九月青徐兗豫四州大水伊洛溢合於
河開倉以振之詔曰雖詔有所欲及奏得可而於事不
便者皆不可隱情冬十月吳將施續入江夏萬郁寇襄
陽遣太尉義陽王望屯龍陂荊州刺史胡烈擊敗郁

吳志

三嗣主傳萬郁作萬或古通用字宋天文志作後將軍
田璋荊州刺史胡烈等破卻之晉明威將軍南鄉太守
郭休碑云吳肆鯨鯢潛寇襄陽君苞神籌順風霆發以
貌貅七千摧大羊三萬陸仇奪地於南施績輿尸於口
案碑文休時為南鄉太守南鄉與襄陽接壤地理志荆
州下云武帝平吳後始改為順陽郡蓋萬郁寇襄陽時
休亦與有功焉惜史不見其名碑稱施績輿尸本書義
陽王望傳云吳將施績寇江夏邊境騷動會荊州刺史
胡烈拒破之望乃班師蓋望與烈合兵兼敗施績碑言
輿尸者謂其殲傷師旅也本紀但言收郁可與望傳互
證休以五年八月薨此吳將顧容寇鬱林太守毛晃大
事在四年先後適合
破之斬其交州刺史劉俊將軍修則吳志三嗣主傳曰
刺史劉俊前部督修則等入擊交趾為晉將毛晃等所
破皆死兵散還合浦讀史舉正日按陶璜傳交趾太守
楊稷與將軍毛晃等出交趾破吳軍於古城斬脩則劉
俊通鑑亦云劉俊脩則顧容三攻交趾稷拒破之鬱林
九真皆附於稷稷遣毛晃董元攻合浦戰於古城殺脩
則稷表晃為鬱林太守元為九真太守然則脩死於合

補非鬱林容之攻鬱林非此時毛吳時亦未爲太守也
通鑑晉紀注曰姓譜元冥之佐有脩氏漢有屯騎校尉
脩炳周家祿校勘記曰姓古用修案吳志稱毛吳爲晉
將是其時尙未爲太守也修則作前部督與此紀作將
軍十一月吳將丁奉等出芍陂安東將軍汝陰王駿與
異陽王望擊走之案吳志三嗣主傳寶鼎三年秋九月
皓出東關丁奉至合肥與此作十一
月異晉書校文一日是役晉救未己未詔王公卿尹及
至而奉退見望傳云擊走失實
郡國守相舉賢良方正直言之士十二月班五條詔書
於郡國一日正身二曰勤百姓三曰撫孤寡四曰敦本
息末五曰去人事書鈔一百三王隱晉書曰武帝泰始
四年班六條詔書於郡國一日正身
二曰親民三日卹孤四曰敦本息華五日去人事六曰
正本無一節案正本無一節五字恐有謄文御覽五百
九十三引王書亦作五條無六條親民作勤民卹孤亦
作撫孤寡晉宋書故曰今世積俗無論品物雅俗通詞

謂之人事此言亦有所本何曾傳郡守有宰牧少恩奸
修人事者裴秀傳交關人事謂之罪耳此在魏末晉初
已有此名矣刑法志開人事之路廣庚寅帝臨聽訟觀
私請之端此在江左元帝草創時也

錄廷尉洛陽獄囚親平決焉扶南林邑各遣使來獻

五年春正月癸巳申戒郡國計吏守相令長務盡地利

禁游食商販景申帝臨聽訟觀錄囚徒多所原遣青龍

二見於滎陽二月以雍州隴右五郡及涼州之金城梁

州之陽平置秦州

十七史商榷四十四日陽平地理志作陰平宜從之

辛巳白龍

二見於趙國青徐兗三州水遣使振恤之王寅以尙書

左僕射羊祜都督荊州諸軍事征東大將軍衛瓘都督

青州諸軍事東莞王仙鎮東大將軍都督徐州諸軍事

丁亥詔曰古者歲書羣吏之能否三年而誅賞之諸令
史前後但簡遺疏劣而無有勸進非黜陟之謂也其條
勤能有稱尤異者歲以爲常吾將議其功勞己未晉書校文
一日丁亥前壬寅十五日今於辛巳下敘事繫日先壬
寅後丁亥已失倫次至己未與辛巳相去三十九日九
不應列在二月疑上脫三月字否則己未二字有誤讀
史舉正日下五月辛卯朔則壬寅己未皆當在三月
詔蜀相諸葛亮孫京隨才署吏蜀志諸葛亮傳注晉起居注曰諸葛亮在蜀盡
其心力其子瞻臨難而死義天夏四月地震震在辛酉日見五行
下之善一也其孫京隨才署吏志書鈔一百三十九羊堅等三十國春秋曰晉泰始五
五年夏四月地震大疫上命醫以馴馬小車馳救療五
月辛卯朔鳳皇見于趙國曲赦交趾九真日南五歲刑
六月鄴奚官督郭廙上疏陳五事以諫言甚切直擢爲

屯留令西平人魏路伐登聞鼓言多祆謫有司奏棄市

帝曰朕之過也

羣書治要二十九引晉書作狂狷怨誹亦朕之罪勿罪也嚴可均全晉文注云

治要所載捨而不問罷鎮軍將軍復置左右將軍官秋乃王隱書

七月延羣公詢讜言九月有星孛于紫宮冬十月景子

以汲郡太守王宏有政績賜穀千斛十一月追封謚皇

弟兆爲城陽哀王以皇子景度嗣十二月詔州郡舉勇

猛秀異之才

六年春正月丁亥朔帝臨軒不設樂

御覽二十九晉起居注曰太始元年

詔曰朕遭憫凶奉承洪業追慕罔極正日雖當受朝其伎樂一切勿有所設又殿前反宇及文武帳織成帷幙之屬皆不須施案元年當是六年之譌蓋文明吳將丁

王皇后於四年三月崩至正月尙未終服也

奉入渦口揚州刺史牽弘擊走之

晉書校文一日據丁奉傳是年無伐晉事

蘇融惟前年奉曾攻晉穀陽當卽其事而誤列於是年也

三月赦五歲刑已下夏四

月白龍二見於東莞五月立壽安亭侯承爲南宮王六

月戊午秦州刺史胡烈擊叛虜於萬斛堆力戰死之

胡奮

傳作萬斛堆讀史方輿紀要六十二日沙山在寧夏中衛西五十里因積沙而成或云卽萬斛堆

詔遣

尙書石鑒行安西將軍都督秦州諸軍事與奮威護軍

田章討之秋七月丁酉復隴右五郡遇寇害者租賦不

能自存者廩貸之乙巳城陽王景度薨詔曰自泰始以

來大事皆撰錄祕書寫副後有其事輒宜綴集以爲常

案隋志有永和副詔九卷升平隆和興宣副詔十卷太元咸寧副詔二十二卷元興太亨副詔三卷義熙

副詔十卷蓋皆用
秦始之制寫副也丁未以汝陰王駿爲鎮西大將軍都

督雍涼二州諸軍事九月大宛獻汗血馬焉耆來貢方
物冬十一月幸辟雍行鄉飲酒之禮賜太常博士學生

雍本缺
二字

帛牛酒各有差立皇子東爲汝南王十二月吳夏

口督前將軍孫秀帥眾來奔
吳志三嗣主傳秀降晉在九月拜驃騎將

軍開府儀同三司封會稽公戊辰復置鎮軍官

七年春正月景午皇太子冠
通典七十一張放議日泰始中皇太子冠太子進而

樂作位定而樂止賜王公以下帛各有差匈奴帥劉猛叛出塞

三月孫皓帥眾趨壽陽遣大司馬望屯淮北以距之三
月景戌司空鉅鹿公裴秀薨癸巳以中護軍王業爲尙

書左僕射高陽王珪爲尚書右僕射

書鈔五十九晉起居注高陽王珪爲

尚書右僕射詔曰尚書僕射總括萬機以貳紀綱綜詳

朝政御覽二百十一晉起居注曰尚書高陽王珪忠允

善政思量宏濟蒞官盡心所

孫秀部將何崇帥眾五千

居著稱其以珪爲右僕射

人來降夏四月九真太守董元爲吳將虞汜所攻軍敗

死之

吳志虞翻傳曰翻有十一子第四子汜最知名注會稽典錄曰汜字世洪以討扶嚴功拜交州刺史

冠軍將軍餘姚侯尋卒通鑑晉紀考異曰華陽國志云

元病亡楊稷更以王素代之按武帝紀九真太守董元

爲吳將虞汜所攻軍敗死之則元非病北地胡寇金城

亡蓋稷雖以素代元未至郡而元死也

涼州刺史牽弘討之羣虜內叛圍弘於青山弘軍敗死

之晉書校文一日弘爲牽招子據裴松之魏志注則晉書本有弘傳今無其名蓋唐初修史時所刪然弘沒

於王事不應削去其傳讀史方輿紀要五十七日烏嶺

在慶陽府西北或云卽青山也一云烏嶺西北有青山

續漢志北地參絲屬國都尉治有青山謝沈書屬五月
國降羌胡數千人居山田蓄嶺蓋郡境之大山也
立皇子憲爲城陽王雍涼秦三州饑赦其境內殊死以
下閏月大雩太官減膳詔交趾三郡南中諸郡無出今
年戶調六月詔公卿以下舉將帥各一人辛丑大司馬
義陽王望薨周家祿校勘記日上脫景中地震按本書
日蝕地震星變諸災異之文或紀有而志
無或志有而紀無以其互見大雨霖伊洛河溢讀史舉
正日案
爲文故但正其誤不補其闕是月丙申地震紀闕水經
五行志作河洛伊洛皆溢又是月丙申地震紀闕水經
穀水注干金竭石人東脇下文云泰始七年六月二十
三日大水迸瀑出常流上三丈蕩壞二竭五龍泄水南
注瀉下加歲久漱蓄每滂卽壞厯載消棄大功今故無
今遇更於西開泄名曰代龍渠地形正平誠得爲泄至
理千金不與水勢激爭無緣當壞由其卑下水得踰上
漱蓄故也今增高千金於舊一丈四尺五龍自然必厯
世無患若五龍歲久復壞可轉於西更開二竭二渠合

用二十三萬五千六百九十八功以其年十月二十三日起作功重人少到八年四月二十日畢案修塙刻石正在大雨流居人四千餘家殺三百餘人有詔振貸給河溢之後

棺秋七月癸酉以車騎將軍賈充為都督秦涼二州諸

軍事通鑑晉紀考異曰三十國春秋晉春秋充出並在八年二月蓋二春秋以太子納妃在八年二月致

此誤也吳將陶璜等圍交趾太守楊稷與鬱林太守毛炅

及日南等三郡降於吳八月景戌以征東大將軍衛瓘

為征北大將軍都督幽州諸軍事景申城陽王憲薨分

益州之南中四郡置益州廿二史攷異十八日按地理志分益州之建寧興古雲南

交州之永昌合四郡為曲赦四郡殊死已下冬十月丁

丑日有蝕之天文志作丁丑朔此脫一字十一月丁巳衛公姬署薨

十二月大雪罷中領軍并北軍中候以光祿大夫鄭袤爲司空

八年春正月監軍何楨討匈奴劉猛累破之左部帥李

恪殺猛而降

案四夷傳作左部督繫之泰始七年蓋楨奉命在七年而殺猛則在八年也

癸

亥帝耕于藉田二月乙亥禁彫文綺組非法之物壬辰

太宰安平王孚薨詔內外羣官舉任邊郡者各三人帝

與右將軍皇甫陶論事陶與帝爭言散騎常侍鄭徽表

請罪之帝曰讜言謬

羣書治要二十九引孫盛陽秋下有直意盡辭四字

所望

於左右也人主常以阿媚爲患豈以爭臣爲損哉徽越

職妄奏豈朕之意

羣書治要二十九引作陶所執不遂愆此義而徽越職奏之豈朕意乎

免徵官夏四月置後將軍以備四軍六月益州牙門張

弘誣其刺史皇甫晏反殺之

通鑑晉紀攷異曰華陽國志弘殺晏在十年五月讀

史舉正曰夏五月旱蜀地雨白毛觀紐紀闕

傳首京師弘坐伏誅夷三族王

辰大赦景中詔復隴右四郡遇寇害者田租秋七月以

車騎將軍賈充爲司空九月吳西陵督步闡來降

水經

注曰江水出峽東南流逕故城洲洲附北岸洲頭曰郭洲長二里廣一里注云上有步闡故城方圓稱洲周廻

略滿故城洲上城周五里吳西陵督步闡所築也拜衛

將軍開府儀同三司封宜都公吳將陸抗攻闡遣車騎

將軍羊祜帥眾出江陵荊州刺史楊肇迎闡於西陵巴

東監軍徐胤擊建平以救闡冬十月辛未朔日有蝕之

十二月肇攻抗不克而還闢城陷為抗所禽

吳志三嗣主傳注于

寶晉紀曰陸抗之克步闢皓意張大乃使向廣筮并天

下遇同人之顧對曰吉庚子歲青蓋當入洛陽故皓不

修其政而恆有窺上國之志是歲也實在庚子水經江

水注曰晉遣太傅羊祜接援未至為陸抗所陷又曰江

水又東逕故城北注云所謂陸抗城也城即山為壙絕

四面天險江南岸有山孤秀從江中仰望壁立峻絕

九年春正月辛酉司空密陵侯鄭袤薨通鑑晉紀攷異

司空固辭久之見許以侯就第拜二月癸巳司徒樂陵

儀三司而帝紀云司空薨誤也公石苞薨立安平亭侯隆為安平王廿二史攷異十八

侯三月立皇子祗為東海王夏四月戊辰朔日有蝕之

讀史舉正曰四月辛五月旱五行志作九年自正月旱

未隕霜猥起紀失書至於六月始雨御覽十一

傳咸自敘曰泰始九年自春不雨涉夏節聖皇勞慮分

使祈禱余以太子洗馬兼司徒泄事三朝雨大降案紀

傳屬之五以太保何曾領司徒六月乙未東海王祗薨
月似不合

秋七月丁酉朔日有蝕之吳將魯淑圍弋陽征虜將軍
王渾擊敗之罷五官左右中郎將弘訓太僕衛尉大長
秋等官鮮卑寇廣寧殺略五千人詔聘公卿以下子女
以備六宮采擇未畢權禁斷婚姻冬十月辛巳制女年
十七父母不嫁者使長吏配之十一月丁酉臨宣武觀
大閱諸軍甲辰乃罷

十年春正月辛亥帝耕于藉田

讀史舉正日正月乙未
日食四月旱紀失書

閏月癸酉太傅壽光公鄭冲薨己卯高陽王珪薨庚辰
太原王瓊薨丁亥詔曰嫡庶之別所以辨上下明貴賤

昔漢宣帝圖畫功臣於麒麟閣班史於蘇武傳未述其事列敘十一人官位姓名宅傳及本紀不復更書明帝圖畫中興二十八將於南宮雲臺范史亦僅一見於馬武傳未蓋史例之簡嚴如此今鄭仲等銘饗事已見本紀而傳復重述之且又有書有不書文既繁複而絀漏之譏轉難免矣讀書記疑七日王祥與鄭冲同在八公之列而銘饗獨不與則祥之私於晉也鄭冲傳亦云不預世事而載於銘饗與祥異矣司馬孚自稱有魏貞士然尊官厚祿終身享之生賴其榮歿用其寵固不能免於君子之譏也祥貞靜自守而禪代之際不能決然舍生濡跡新朝君子九月甲子青州螟徐州大水冬十惜之孚又非祥比矣

月乙酉常山王殷薨

晉書校文一日攷宗室傳是時常山王名敦此殷字疑譌案勞氏校

勘記又以敦為殷之謫

癸巳彭城王權薨十一月癸亥大閱於宣

武觀至于己巳十二月丁亥追尊宣帝廟曰高祖景帝曰世宗文帝曰太祖是月大疫洛陽死者大半封裴頠

爲鉅鹿公

二年春正月以疾疫廢朝賜諸散吏至于士卒絲各有

差二月景戌河間王洪薨甲午赦五歲刑以下東夷八

國歸化并州虜犯塞監并州諸軍事胡奮擊破之初燉

煌太守尹琰卒

通鑑晉紀攷異曰
晉春秋琰作據

州以燉煌令梁澄領

太守事議郎令狐豐廢澄自領郡事

通鑑晉紀作功曹
宋質輒廢澄表議

郎令狐豐爲太守
攷異曰從晉春秋

豐死弟宏代之至是涼州刺史楊欣

斬宏傳首洛陽先是帝不豫及瘳羣臣上壽詔曰每念

頃遇疫氣死亡爲之愴然豈以一身之休息忘百姓之

艱邪諸上禮者皆絕之夏五月鎮西大將軍汝陰王駿

討北胡斬其渠帥吐敦立國子學庚午大雩六月癸丑

薦荔支于太廟

讀史舉正曰案上年七月甲申晦下年正月朔則此年六月無癸丑甲戌況下

七月又書癸丑乎此二日當在五月

甲戌有星孛于氏自春旱至于是月

始雨吳京下督孫楷帥眾來降

吳志三嗣主傳楷降在八月不在六月

以

爲車騎將軍封丹楊侯白龍二見于新興井中秋七月

有星孛于大角吳臨平湖自漢末壅塞至是自開父老

相傳云此湖塞天下亂此湖開天下平

水經漸江水注曰浙江又東合

臨平湖注云傳言此湖草蕪壅塞天下亂是湖開天下平孫皓天璽元年吳郡上言臨平湖自漢末穢塞今更開通又於湖邊得石函函中有小石青白色長四寸廣二寸餘刻作皇帝字於是改天冊爲天璽元年孫盛以爲元皇中興之符徵五湖之石瑞也讀史方輿紀要癸九十日臨平湖在杭州府東北臨平山東南五里

丑安平王隆薨東夷十七國內附河南魏郡暴水殺百

餘人詔給棺鮮卑阿羅多等寇邊西域戊己校尉馬循

討之斬首四千餘級獲生九千餘人於是來降八月庚

辰河東平陽地震

五行志同時地震者尚有河南一郡

己亥以太保何曾

爲太傅太尉陳騫爲大司馬司空賈充爲太尉鎮東大

將軍齊王攸爲司空

本傳作鎮軍大將軍

有星孛于太微九月又

孛于翼丁未起太倉於城東常平倉於東西市

水經注穀水注

洛陽地記曰大城東有太倉倉下運船常有千計洛陽

伽藍記一日翟泉在晉太倉西南按晉太倉在建春門

內又曰建春門內御道北晉中朝太倉處也御覽一百

九十晉陽秋日泰始四年七月立常平倉豐則羅歉則

羅以利民也案孫盛言立常閏月荊州五郡水流四千

平倉在泰始四年與本紀異

餘家冬十月以汝陰王駿爲征西大將軍平南將軍羊
祜爲征南大將軍丁卯立皇后楊氏大赦賜王公以下
及于鰥寡各有差十一月白龍二見于梁國十二月徵
處士安定皇甫謐爲太子中庶子御覽二百四十五晉起居注曰武帝咸寧元年詔曰男子皇甫謐沈靜履素守學好古與流俗異趣其以謐爲太子中庶子案起居注作元年與本紀在二年封后父鎮軍將軍楊駿爲臨晉侯晉書校文一曰異軍將軍遷車騎將軍封臨晉侯此紀據駿傳駿自鎮於駿封侯時尙繫以鎮軍之號殊誤是月以平州刺史傅詢前廣平太守孟桓清白有聞詢賜帛二百匹桓百匹

三年春正月景子朔日有蝕之立皇子裕爲始平王安

平穆王隆弟敦爲安平王

廿二史攷異十八日按安平王孚傳隆立四年咸寧二年

薨無子國絕又常山王衡傳無子以安平世子邕第四

子敦爲嗣依二傳所言隆以無子國除而敦所嗣者乃

常山王衡也今攷隆以咸寧二年薨次年卽立其弟承

安平王之封蓋邕爲孚世子大宗不可絕故以敦後之

隆雖無子國固未嘗絕也若衡之卒在泰始二年距咸

寧三年已十載矣又不應至是始爲立嗣也禮志咸寧

二年安平穆王薨無嗣以母弟敦繼獻王後此可證二傳之誤

詔曰宗室戚屬國之枝

葉欲令奉率德義爲天下式然處富貴而能慎行者寡

召穆公糾合兄弟而賦唐棣之詩此姬氏所以本枝百

世也今以衛將軍扶風王亮爲宗師所當施行皆諳之

於宗師也庚寅始平王裕薨有星孛於西方使征北大

將軍衛瓘討鮮卑力微三月平虜護軍文淑討叛虜樹

將軍衛瓘討鮮卑力微三月平虜護軍文淑討叛虜樹

機能等竝破之

扶風王駿東安王繇趙王倫傳淑均作

御覽二百七十五千寶晉紀曰文淑有武力籌策揚休

胡烈爲虜所害武帝西夏遣淑出征所向摧靡秦涼遂

平名震有星孛于胃乙未帝將射雉慮損麥苗而止宋晉

天下書故曰魏晉以還從禽卽麓捨業嬉遊射雉一事孫休

嘗所措意觀鼎擊潘安仁遂以作賦風靡所漸乃至日

有萬幾而馳驚場晨出莫反白龍魚服蓋不足言矣

徐爰注潘賦而云晉邦過江斯藝乃廢歷代迄今寡能

厥事斯不然也按晉書武帝紀咸寧三年帝將射雉慮

損麥苗而止職官志太康末武帝常出射雉逼暗乃還

又周訪傳訪於陳後射雉以安眾心三事之外闕其無

聞至於宋世君臣耽盤流蕩娛樂忘歸徐長玉身居恩

倖自當靡役不從而云歷代夏五月戊子吳將邵凱夏

祥帥眾七千餘人來降

羊祜傳凱作顗祥六月益梁八

郡水殺三百餘人沒邸閣別倉

張謝蜀典曰按鄧芝傳

閣督又建興十一年冬諸葛亮使諸軍運米集於斜谷
口邸閣魏延傳注夏安楸鎮長安諸葛亮於南鄭計議
延日橫門邸閣與散民之穀足周食也是邸閣者乃軍
屯蹊要儲胥資糧之所也案魏志張既傳酒泉蘇衡反
既擊破之上疏請治左城築障塞置烽燧邸閣又王基
擊吳別襲步協於夷陵協閉門自守基示以攻形而實
分兵取雄父邸閣收米三千餘萬斛又母邱儉文欽作
亂王基與司馬景王會於許昌謂宜速進據南頓南頓
有大邸閣足軍人四十日糧又孫策傳注江表傳日策
渡江攻劉繇牛渚營盡得其邸閣糧穀戰具又孫權傳
赤烏四年夏遣衛將軍全琮略淮南渡芍陂燒官城邸
閣收其人民又赤烏八年遣校尉陳動將屯田兵及作
士三萬人鑿句容中道自小其至雲陽通會市作邸閣
又周魴傳諸曹休箋日東主遣從弟孫奭治安陸城修
立邸閣輦資運糧以爲軍儲水經贛水注贛水厯鈞圻
邸閣下度支校尉治太尉陶侃移置此自漢迄晉凡儲
軍用資糧之地均名邸閣秋七月以都督豫州諸軍事王
閣不盡在梁益二州也

渾爲都督揚州諸軍事中山王睦以罪廢爲丹水侯八

月癸亥徙扶風王亮爲汝南王東莞王仙爲琅邪王汝
陰王駿爲扶風王琅邪王倫爲趙王渤海王輔爲太原
王太原王顥爲河間王北海王陵爲任城王陳王斌爲
西河王汝南王柬爲南陽王濟南王耽爲中山王河間
王威爲章武王立皇子瑋爲始平王允爲濮陽王該爲
新都王遐爲清河王通典七十一日咸寧三年始平漢
陽諸王新拜有司奏依故事聽京
城近臣諸王公主應朝賀者復上禮博士張放議臨軒遣使應作樂鉅平侯羊祜爲南城
侯晉書校文一日祜傳言祜讓而不拜帝以汝南王亮
許之則實未受封書之於紀反嫌失實以汝南王亮
爲鎮南大將軍大風拔樹暴寒且冰羣書拾補曰按五
行志乃河間也此
上疑脫郡國五隕霜傷穀九月戊子以左將軍胡奮爲

二字

都督江北諸軍事兗豫徐青荆益梁七州大水傷秋稼

詔振給之立齊王子憺爲遼東王贊爲廣漢王冬十一

月景戌帝臨宣武觀大閱至于壬辰

山濤傳及世說識鑒篇均作宣武場

詳惠帝紀注

十二月吳將孫慎入江夏汝南略千餘家而去

通鑑晉紀注曰江夏郡屬荊州汝南郡屬豫州相去甚

遠沈約宋志江夏太守治汝南縣本沙羨土晉末汝南

郡民流寓夏口因立爲汝南則此江夏郡未有汝南是

縣也無亦史追書乎讀史舉正曰案吳志在是年夏是

歲西北雜虜及鮮卑匈奴五溪蠻夷東夷三國前後千

餘輩各帥種人部落內附

四年春正月庚午朔日有蝕之三月甲申尙書左僕射

盧欽卒辛酉以尙書右僕射山濤爲尙書左僕射

讀史舉正

日案上正月庚午朔則三月不得有辛酉晉書校文一
日甲申至辛酉相去三十八日不應並見於三月申疑
辛酉乃乙酉之訛

東夷六國來獻夏四月蚩尤旗見於東井六

月丁未陰平廣武地震甲子又震讀史舉正曰案晉志無廣武縣而陰平郡

有陰平平廣二縣疑為平廣之誤涼州刺史楊欣與虜若羅拔能等戰

于武威敗績死之弘訓皇后羊氏崩秋七月己丑祔葬

景獻皇后羊氏于峻平陵庚寅高陽王緝薨癸巳范陽

王綏薨荆揚郡國二十皆大水讀史舉正曰案五行志當有司冀兗豫九

月以太傅何曾為太宰辛巳以尙書令李膺為司徒冬

十月以征北大將軍衛瓘為尙書令揚州刺史應綽伐

吳皖城斬首五千級焚穀米百八十萬斛十一月辛巳

太醫司馬程據獻雉頭裘帝以奇技異服典禮所禁焚

之於殿前甲申勅內外敢有犯者罪之

初學記九王隱晉書曰有獻雉

頭裘者上曰異服奇裘典制所禁也其於前殿燒裘勅有異服者依禮致罪書鈔一百二十九類聚六十七白帖十二晉咸寧起居注曰太醫司馬程據上雉頭裘一領詔曰據此裘非常衣服消費功用令於殿前燒之勅內外有造異服依禮治罪吳昭武將軍劉翻厲武將軍祖始來降辛

卯以尙書杜預都督荊州諸軍事征南大將軍羊祜卒

讀史舉正曰杜預都督荊州誤書羊祜卒上

十二月乙未西河王斌薨丁未

太宰朗陵公何曾薨是歲東夷九國內附

五年春正月虜帥樹機能攻陷涼州乙丑使討虜護軍武威太守馬隆擊之二月甲午白麟見于平原三月句

奴都督拔奔虛帥部落歸化乙亥以百姓饑僅減御膳
之半有星孛于柳夏四月又孛于女御大赦降除部曲
督以下質任丁亥郡國八雨雹傷秋稼壞百姓廬舍
周家祿校勘記曰丁亥上當補五月按五行志是年五月丁
亥至六月癸亥雨雹郡國凡八月以後又五郡雨雹
本紀七月以後從略五月以後冠以始災之日於秋七
文爲省脫去五月則混入上夏四月文故當補正秋七
月有星孛于紫宮九月甲午麟見于河南冬十月戊寅
匈奴餘渠都督獨雍等帥部落歸化汲郡人不準掘魏
襄王冢得竹簡小篆古書十餘萬言藏于祕府
廣韻十八尤日不又姓晉有不準盜發六國時魏王冢東
晉傳曰太康二年汲郡人不準盜發魏襄王冢或言安釐王冢得竹
書數十車書鈔五十七王隱晉書曰太康二年汲郡冢
中得古文竹書趙明誠金石錄二十晉太公碑其略云

太康二年縣之西偏有盜發冢而得竹策之書書藏之
年當秦坑儒之前八十六歲御覽六百六十五東鄉序
日得汲冢竹簡亦長二尺四寸案束皙傳及王書太公
碑均作太康二年荀勗校移天子傳亦云太康二年是
汲冢之發必在是年本紀蓋誤列前二年耳惟史記正
義云晉咸寧五年汲郡汲縣發魏襄王冢得古書冊七
十五卷則與本紀同誤又本書衛恒傳云太康元年汲
縣人發魏襄王冢北堂書鈔一百一十一王隱晉書曰太康
元年汲縣發魏釐王冢既云在秦坑儒八十六歲之
漆字則又誤作元年也碑既云在秦坑儒八十六歲之
前是時安得有篆乎杜元凱春秋後序曰太康元年
吳寇始平余選襄陽乃修成春秋釋例及經傳集解始
訖會汲郡汲縣有發其界內舊冢者得古文皆簡編科
斗文字發冢者不以爲意往往散亂科斗書久廢推尋
不能盡通始者藏祕府余晚得見之大凡七十五卷
據此則元凱親見之書實科斗非小篆也惟序首云太
康元年乃敘其修成釋例之十一月大舉伐吳林文館詞
時非謂汲冢即發於是年也十一月大舉伐吳林文館詞
六十二伐吳詔曰兵興以來八十餘年戎車出征罔有
盜歲死亡流離傷害和氣朕每惻然悼心思戢兵靜役

與人休息故罷習業廣分休假大遭扶老養孤及女朝
夕相對而吳賊失信比犯王略胡虜狡動寇害邊垂人
兵缺少不足禽制輒當前休中上以相應赴將士疲悴
而猶不及事欲以爲靜而更爲勞昔淮夷不賓成王東
伐獫狁作難戎車夏征自古及今咸皆勤戎遠戍先勞
後逸未有得修無爲於有事之時也自宣皇帝以來以
吳蜀爲憂邊事爲念今孫皓犯境夷虜擾邊此乃祖考
之遺慮朕身之大恥也故繕甲修兵大興戎政內外勞
與天下共饗無爲之福耳吳北威戎狄然後得休牛放馬
一人四丁取二人六丁以上三人限年十七以上至五
十以還先取有妻息者其武勇散將家亦取如此比隨
才署武勇掾史樂市馬比爲騎者署都尉司馬中間以
來內外解弛吏寡盡忠之心將無致命之節朕方靜人
用未加罪戮今當大修戎政以混壹六合賞功罰愆明
罰整法其宣敕中外羣官使各悉心畢力明爲身計主
者以時施遣鎮軍將軍琅邪王仙出涂中仙本傳作鎮
行條品志三嗣主傳同水經注釋三十二補滁水日寰宇記廬
州慎縣下云滁水源出縣西暴禿古塘酈元注水經云

滁水出浚道縣也又和州含山縣下引水經注云滁水
 東經大岷西北流逕大岷亭即此山也方輿紀要云滁
 河源出廬州府合肥縣東北七十里廢梁縣界東流過
 滁州全椒縣南六十里又東至滁州東南三汊河又東
 至江甯府六合縣為瓦梁河東南流至瓜埠口而入大
 江三國志吳赤烏三年作堂邑涂塘以淹北道今滁州
 古曰涂中王應麟困學紀聞十三日吳築涂塘晉兵出
 涂中涂音除即六合瓦梁堰水曰滁河南唐於滁水上
 立清安東將軍王渾出江西文選辯亡論注引干寶晉
 流關安東將軍王渾出江西紀作安東將軍王渾向揚
 州建威將軍王戎出武昌平南將軍胡奮出夏口奮木

南作征南吳志三
嗣主傳亦作平南
 鎮南大將軍杜預出江陵龍驤將軍

王濬廣武將軍唐彬率巴蜀之卒浮江而下東西凡二
 十餘萬以太尉賈充為大都督行冠軍將軍楊濟為副
 總統眾軍十二月馬隆擊叛虜樹機能大破斬之涼州

平肅慎來獻楛矢石砮

太康元年春正月己丑朔五色氣冠口癸丑王渾克吳

尋陽賴鄉諸城獲吳威武將軍周興二月戊午王濬唐

彬等克丹楊城庚申又克西陵殺西陵都督鎮軍將軍

留憲

王濬傳鎮軍作鎮南廣韻十八尤曰留亦姓出會稽本自衛大夫留封人之後後漢末避地會稽遂

居東陽爲郡豪族案吳志孫峻傳注引吳書有留贊當與留憲同族征南將軍成璩西陵

監鄭廣王戍濬又克夷道樂鄉城殺夷道監陸元本晏

水軍都督陸景

水經江水注曰江水又逕南平郡孱陵縣之樂鄉城北注吳陸抗所築後王濬

攻之獲吳水軍督陸景於此渚也玉海十九引元和郡縣志曰吳建衡三年陸抗所築樂鄉城後朱然修之成

焉晉王濬攻樂鄉獲水軍督陸景平西將軍施洪以城降在江陵郡松滋縣東讀史方輿紀要二日荊州府松

滋縣東七十里有樂鄉城又三日夷道卽今夷陵州宜都縣案吳志作中夏督注引會稽典錄同陸抗傳壬戌晏爲王濬所殺癸亥景亦遇害分屬兩日本書王濬傳壬戌獲陸晏乙丑獲陸景又以癸亥爲乙丑均不相合
甲戌杜預克江陵斬吳江陵督王延元本作五延諸史攷異二日孫皓傳預又斬江陵督伍延杜預傳吳督將伍延則作王字平者誤周家祿校勘記曰按伍五古字相通宜從元本
南將軍胡奮克江安於是諸軍竝進樂鄉荆門諸戍相
次來降乙亥以濬爲都督益梁二州諸軍事復下詔曰
濬彬東下埽除巴上與胡奮王戎共平夏口武昌順流
長驚直造秣陵與奮戎審量其宜杜預當鎮靜零桂懷
輯衡陽大兵旣過荊州南境固當傳檄而定預當分萬
人給濬七千給彬夏口旣平奮宜以七千人給濬武昌

既了戎當以六千人增彬太尉充移屯項總督諸方濬
進破夏口武昌遂泛舟東下所至皆平王渾周浚與吳
丞相張悌戰于版橋大破之斬悌及其將孫震沈瑩傳
首洛陽吳志三嗣主傳注干寶晉紀曰吳丞相軍師張悌護軍孫震丹陽太守沈瑩帥眾三萬濟江圍
成陽都尉張喬於揚倚橋眾才七千閉柵自守舉白接
告降吳副軍師諸葛靚欲屠之悌曰強敵在前不宜先
事其小且殺降不祥靚曰此等以救兵未至而力少故
且僞降以緩我非來伏也因其無戰心而盡阬之可以
成三軍之氣若舍之而前必爲後患悌不從撫之而進
與討吳撫軍增張翰揚州刺史周浚成陣
相對沈瑩領丹陽銳卒刀楯五千號曰青巾兵前後屢
陷堅陣於是以馳淮南軍三衝不動退引亂薛勝蔣班
因其亂而乘之吳軍以次土崩將帥不能止張喬又出
其後大敗吳軍於版橋獲悌震瑩等御覽四百十七襄
陽記曰晉伐吳張悌渡江戰吳軍大敗諸葛靚過迎悌
悌不肯去垂泣曰仲思今是我死日且我作兒童便爲

卿家丞相所拔常恐不得其死負孫皓窮蹙請降送璽

名賢知故今身殉社稷復何所遁孫皓窮蹙請降送璽

綬於琅邪王伉御覽六百八十二拾遺錄曰太康元年孫皓送六金璽云時無玉工故以金爲

璽印三月壬申王濬以舟師至于建鄴之石頭孫皓大懼

面縛輿櫬降于軍門王濬傳作王寅濬入於石頭書鈔一百十九王隱晉書曰孫皓面縛

輿櫬將其太子降後漢書公孫述傳注干寶晉紀曰吳

王孫皓將其子瑾等泥首面縛降王濬文選晉紀總論

注引干寶晉紀作元年四月王濬鼓譟入於石頭案四

月當作三月三國志攷証七日以三月朔戊子推之十

五日恰得壬寅當依濬傳作王寅爲確周家祿校勘記

日按地理志太康三年始改業爲鄴三年以前文宣作

業諸志傳並同讀史方輿紀要二十日石頭城在江寧

府西二里有石頭山輿地志山環七里一百步北緣大

江南抵秦淮口濬杖節解縛焚櫬送于京都收其圖籍

去臺城九里吳志三嗣主傳注晉陽秋曰王濬收其圖籍戶口米穀

二百八十萬斛舟船五千餘艘案男女口見下文章氏

宗源謂今晉書闕克州四郡四十三吳志三嗣主傳注載米穀舟船是也

十二初學記入引括地志云平吳得郡四十三孫權置臨賀武昌朱崖新安廬陵五郡孫亮又置臨川臨海衡

陽湘東四郡孫休置天門建平建安合浦四郡孫皓置始安始興邵陵安成新昌武平九德吳興東陽桂林榮

陽等十一郡因立宜陽一郡并漢十八郡合四縣三百十三郡案晉陽秋作四十二為四十三之謬

一十三戶五十二萬三千通典七作戶五十三萬吏三萬二千兵

二十三萬男女口二百三十萬其牧守已下皆因吳所

置除其苛政示之簡易吳人大悅乙酉大赦改元晉書校文

一日三月無乙酉日疑乙卯之謬大酺五日恤孤老困窮夏四月河東

高平雨雹傷秋稼五行志作三月霜雹遣兼侍中張側黃門侍郎

朱震分使揚越慰其初附白麟見于頓丘三河魏郡弘

農雨雹傷宿麥五月辛亥封孫皓爲歸命侯

吳志三嗣主傳曰太

康元年四月甲申詔曰孫皓窮迫歸降前詔待之以不

死今皓垂至意猶愍之其賜號爲歸命侯進給衣服車

乘田三十頃歲給穀五千斛錢五十萬絹五百匹絳五

百斤皓太子瑾拜中郎諸子爲王者拜郎中通鑑晉紀

注三十國春秋亦作四月甲申封歸命侯世說排調篇

注吳錄曰皓字元宗一名彭祖大皇帝孫也爲晉所滅

封歸命侯洛陽伽藍記二東陽門外二里御拜其太子

道北李延實宅東有修和宅是吳王孫皓宅

爲中郎諸子爲郎中吳之舊望隨才擢敘孫氏大將戰

亡之家徙於壽陽將吏渡江復十年百姓及百工復二

十年景寅帝臨軒大會引皓升殿羣臣咸稱萬歲

類聚三十

九晉起居注曰武帝太康元年詔曰江表初平天下同

其歡豫王公卿士各奉禮稱慶其於東堂小會設樂使

加於常五月庚寅御臨軒大會於太極殿前四方賀使

國子太學生司徒吏副將以上及吳降將吏皆與會詔

引歸命侯孫皓上殿稽顙陳恩謝罪稱萬歲吳志宗室
傳注干寶晉紀日秀在晉朝初聞皓降羣臣畢賀秀稱
疾不與南而流涕日昔討逆弱冠以一校尉創業今後
主舉江而棄之宗廟山陵於此爲墟悠悠蒼天此何
人哉朝丁卯薦鄴渌酒于太廟御覽八百四十五郭仲
廷美之湖土人取此水以釀酒其味醕美所謂鄴酒每
南有鄴湖平吳始薦鄴酒於太廟是也讀史方輿紀
年常獻之晉平吳始薦鄴酒於太廟是也讀史方輿紀
要入十日鄴湖在衡陽城東二十里湖木周三里深八
尺水下經注刊誤日危林云荆州記桂陽郴縣東界俠公
山下有溪源官嘗取此水爲酒豈合郡國六電傷秋
鄴湖渌溪之醕爲灌將嘗耐之典與
稼穡校勘記日五行志祇五郡國
庚午詔諸士卒年

六十以上罷歸于家庚辰以王濬爲輔國大將軍襄陽
侯杜預當陽侯王戎安豐侯唐彬上庸侯賈充琅邪王
仙以下增封於是論功行封賜公卿以下帛各有差六

月丁丑初置翊軍校尉官

讀史舉正曰案上五月有庚辰此書丁丑誤

封丹

水侯睦爲高陽王甲申東夷十國歸化秋七月虜軻成

泥寇西平浩亶殺督將以下三百餘人東夷二十國朝

獻庚寅以尙書魏舒爲尙書右僕射八月車師前部遣

子入侍己未封皇弟延祚爲樂平王白龍三見于永昌

九月羣臣以天下一統屢請封禪帝謙讓弗許

類聚十王隱

晉書曰有司奏晉德隆茂光被四表吳會既平六合爲一宜勒封岳以彰聖德詔曰此盛德之事所宜未議

冬十月丁巳除五女復十二月戊辰廣漢王贊薨

二年春二月淮南丹楊地震

讀史舉正曰二年二月辛酉濟南琅邪隕霜傷麥王

申琅邪雨雹傷麥三月甲午河東隕霜害桑五月郡國十五雨雹傷禾稼濟南暴風折木六月高平大風壞邸

閣四十餘區紀
並關通志五
三月景申安平王敦薨賜王公以下吳

生口各有差詔選孫皓妓妾五千人入宮東夷五國朝

獻夏六月東夷五國內附郡國十六雨雹大風拔樹壞

百姓廬舍江夏泰山水流居人三百餘家秋七月上黨

又暴風雨雹傷秋稼八月有星孛于張冬十月鮮卑慕

容廐寇昌黎通鑑晉紀二年冬十月涉歸始寇昌黎考異曰帝紀云慕容廐按范亨燕書武宣紀

廐泰始五年生年十五又單于涉歸卒太康四年也此

年入寇當是涉歸顧炎武曰知錄三十一日昌黎有五

漢書遼西郡之縣其八日交黎淪水首受塞外南入海

東部都尉治應劭曰今昌黎水經注白狼水又東北逕

昌黎縣故城西地理志曰交黎也通鑑注昌黎漢交黎

縣屬遼西郡後漢屬遼東屬國都尉魏齊王正始五年

鮮卑內附復置遼東屬國立昌黎縣以居之後立昌黎

郡晉書武帝紀太康二年慕容廐寇昌黎三年安北將

軍嚴詢敗慕容廆於昌黎成帝咸康二年慕容皝自昌黎東踐冰而進凡三百餘里至厯林口是則在渝水下流而當海口十一月壬寅大司馬陳騫薨案騫本傳以此一昌黎也十一月壬寅大司馬陳騫薨咸寧三年辭位以高平公還第有星孛于軒轅鮮卑寇遼西平州元不當云大司馬也川刺史鮮于嬰討破之

三年春正月丁丑罷秦州并雍州甲午以尙書張華都

督幽州諸軍事三月安北將軍嚴詢敗鮮卑慕容廆於

昌黎殺傷數萬人夏四月庚午太尉魯公賈充薨閏月

景子司徒廣陸侯李膺薨癸丑白龍二見于濟南晉書校文

一日丙子至癸丑凡三十八日秋八月罷平州寧州刺

史三年一入奏事書鈔七十二王隱晉書曰太康三年一罷刺史將軍官刺史依漢制三年一

入奏事案王書九月東夷二十九國歸化獻其方物吳此條恐有脫誤

故將莞恭帛奉舉兵反攻害建鄴令遂圍揚州徐州刺

史稽喜討平之冬十二月甲申以司空齊王攸爲大司

馬督青州諸軍事鎮東大將軍琅邪王伧爲撫軍大將

軍周家祿校勘記曰撫軍衍文據明收南王亮爲太尉

光祿大夫山濤爲司徒尙書令衛瓘爲司空景申詔四

方水旱甚者無出田租

四年春正月甲申以尙書右僕射魏舒爲尙書左僕射

下邳王晃爲尙書右僕射戊午司徒山濤薨二月己丑

立長樂亭侯寔爲北海王三月辛丑朔日有蝕之御覽二百

十一晉起居注曰太康四年詔曰吏部掌敘人倫治化
之本也宜得忠正舊德尙書右僕射魏舒寬泰宏毅潛
通有才識其以舒爲左僕射領選曹讀史舉正日上三
年十二月己書甲申丙申等日而是年下三月又書辛
丑朔則是月有戊午不當有甲申也三月戊申有星孛
于西南紀闕詠晉書校文一日正月至三月朔不能
過六十十一日之盈數今計甲申至戊午三十五日戊午
至己丑三十一日己丑至辛丑十三日凡七十九日細
攷之蓋無一癸丑大司馬齊王攸薨夏四月任城王陵
日不差繆

薨

宋天文志作四月戊寅

五月己亥大將軍琅邪王仙薨徙遼東

王蕤爲東萊王六月增九卿禮秩牂柯獠二千餘落內

屬秋七月壬子以尙書右僕射下邳王晃爲都督青州

諸軍事

本傳作青徐二州

景寅兗州大水復其田租八月鄩善

國遣子入侍假其歸義侯

初學記二十六晉永安起居注

陳壽曰太康四年有司奏鄯善國遣子元英入侍以英
為騎都尉假歸義侯印青紫綬各一具案本紀侯下脫
印以隴西王泰為尙書右僕射冬十一月戊午新都王
該薨以尙書左僕射魏舒為司徒十二月庚午大閱于
宣武觀是歲河內及荊州揚州大水

五年春正月己亥青龍二見于武庫井中五行志作正月癸卯宋書

符瑞志同通鑑從帝紀御覽五百四二月景寅立南宮

十三引王隱晉書誤作泰始五年王子玷為長樂王安平獻王孚傳翼字子世武帝未受

宮縣王薨子祐嗣祐禪而卒以兄邕之支子承為嗣封南

為玷之誤詳本傳注壬辰地震夏四月任城魯國池水

赤如血五月景午宣帝廟梁折御覽八百八十異苑曰

陷梁無故自折凡宗廟所以承祖先嗣永世不刊安居
摧陷是湮絕之象也讀史舉正日五年五月丁巳隕石

于溫及河陽各六月初置黃沙獄魏志高柔傳注引晉二紀失書魏志
世為黃沙獄御史本書光傳同案職官志云泰始四年又置黃沙獄侍御史一人本紀於太康五年始云初置黃沙獄則泰始四年安得秋七月戊申皇子恢薨任城梁已置侍御史疑志有誤
國中山雨雹傷秋稼晉書校文一日以五行志攷之是其任城梁國則暴雨害豆麥觀魏紀減天下戶課三分概云雨雹與志不符且脫東平一郡
之一九月南安大風折木晉書校文一日五行志恆寒類作大雪折木恆雨類作霖
雨暴雪樹木摧折皆郡國五大水隕霜傷秋稼冬十一不云大風疑紀有誤
月甲辰太原王輔薨十二月庚午大赦林邑大秦國各遣使來獻閏月鎮南大將軍當陽侯杜預卒
六年春正月甲申朔以比歲不登免租貸宿負讀史舉正曰正

月隕石于溫三六月榮陽汲郡戊辰以征南大將軍王

渾爲尙書左僕射本傳作征東大將軍案上文正月甲

應同在一月尙書褚碧都督揚州諸軍事楊濟都督荊州諸

軍事三月郡國六隕霜傷桑麥夏四月扶南等十國來

獻參離四千餘落內附郡國四旱十大水壞百姓廬舍

秋七月巴西地震八月景戌朔日有蝕之滅百姓絛絹

三分之一白龍見于京兆以鎮軍大將軍王濬爲撫軍

大將軍九月景子山陽公劉康薨冬十月南安山崩水

出南陽郡獲兩足獸龜茲焉者國遣子入侍十二月甲

申大閱于宣武觀旬日而罷馬端臨文獻通考一百五十七日咸寧元年太康四

年六年皆大閱習眾然不自令
進退自惠帝以後其禮遂廢
庚子撫軍大將軍襄陽

侯王濬卒

七年春正月甲寅朔日有蝕之乙卯詔曰比年災異屢

發日蝕三朝地震山崩邦之不臧實在朕躬公卿大臣

各上封事極言其故勿有所諱書鈔五十盧綝晉八王

日蝕公卿大臣各上封事其咎安在汝南王亮與司徒

舒司空璿上言三公之任天地人也乾道不普故水旱

爲災人倫失序故奸雄不禁乃者荊州之域妖災仍興

任城國都水流變赤延三朝之始日有蝕之孟陽節過

堅冰未消臣等瑣才叨擾高位可謂小人而乘君子之

器宜就顯戮以答天意謹免冠徒跣上所假章綬詔日

夫陰陽失度朕干天道刑政失中

夏五月郡國十三旱

之所致也其使冠履勿復通表

鮮卑慕容廆寇遼東秋七月朱提山崩隄爲地震

志五行

有南安一郡 八月東夷十一國內附京兆地震九月戊寅驃

騎將軍扶風王駿薨郡國八大水冬十一月壬子以隴

西王泰都督關中諸軍事十二月遣侍御史巡遭水諸

郡出後宮才人妓女以下二百七十人歸于家御覽一百四十

五晉武起居注日詔日令出清宮掖庭及諸才人妓女

保林已下二百七十餘人還家又引王隱晉書作一百

七十始制大臣聽終喪三年己亥河陰雨赤雪二頃是

歲扶南等二十一國馬韓等十一國遣使來獻

八年春正月戊申朔日有蝕之太廟殿陷三月乙丑臨

商觀震讀史舉正日三月熒惑守心夏四月齊國大水

隕霜傷麥周家祿校勘記日大水天水之誤五行六月

魯國大風拔樹木壞百姓廬舍郡國八大水秋七月前

殿地陷深數丈中有破船御覽七百六十九晉朝雜事

地陷方五月深八月東夷二國內附九月改營太廟御覽

數丈中有破船晉起居注曰武帝太安中姦鵠康詔曰往

者乃檣檣儲入魏氏舊廟處立廟既壅弱不顯又材

木弱小至今中間有跌撓之患今當修立不宜在故地

太僕寺南臨甬道地形顯敞更於此營之主者依典禮

施行冬十月南康平固縣吏李豐反聚眾攻郡縣自號將

軍十一月海安令蕭輔聚眾反十二月吳興人蔣迪聚

黨反圍陽羨縣州郡捕討皆伏誅敦煌石室殘本修文

孫咸臨離太外祖蔣迪與吳平後鵠告迪所居長城別

由槃空龜中問景養日當生天子儲副因聚眾攻郡縣

見誅女入奚官有清聲動人愍懷悅遂生男案南夷扶

蔣迪之女即愍懷所幸蔣美人太孫臧之母也

南西域康居國各遣使來獻

御覽九百二十晉諸公贊曰世祖時西域獻三足鳥

遂累有赤鳥來集此昌陵後縣案昌字重日鳥者日中之鳥有托體陽精應期曜質以顯至德者也又九百二

十四晉諸公贊曰世祖時西域是歲郡國五地震晉書校文

獻孔雀解人語彈指應聲起舞一日攷五行志是歲地震五月建安七月陰平八月丹陽凡三次此云五震誤

九年春正月壬申朔日有蝕之詔曰興化之本由政平

訟理也二千石長吏不能勤恤人隱而輕挾私故興長

刑獄又多貪濁煩撓百姓其勅刺史二千石糾其穢濁

舉其公清有司議其黜陟令內外羣官舉清能拔寒素

江東四郡地震

晉書校文一日據五行志是月震者爲會稽丹陽吳興則不得云四郡又是年

正月四月七月八月九月十二月皆有地震事紀惟載正月及四月兩事餘皆脫漏同一災變有書有不書殊

非史法竊謂帝紀例於歲末書是歲災異凡幾處幾次
簡而不略法最善惜不能一律致多疏舛官書不能精
善唐初已如此每歲二月尚書右僕射陽夏侯胡奮卒
書魏初書徒職故以尚書朱整為尚書右僕射書鈔五十九臧榮緒晉書
射領吏部以公清為性持直厲意內外郡縣州鄉人士
皆見物卿乃不聞其黃紙方遊魏毛玠所見不同前後
選官多加慇懃書鈔六十晉起居注曰太康四年八月
詔曰選曹銓管人才宜得忠恪寡欲抑華崇本者尚書
朱整周慎敬讓又二百二十晉陽秋曰朱整少有名
以整為吏部尚書又二百二十晉陽秋曰朱整少有名
行官至中書監魏禪晉使整與中書令劉良共為詔世
祖踐祚權即用之案書鈔所引臧書語多譌脫整於四
年為吏部尚書不見本紀此時三月丁丑皇后親桑于
又由尚書為尚書右僕射也西郊賜帛各有差壬辰初并二社為一夏四月江南郡
國八地震隴西隕霜傷宿麥五月義陽王奇有罪黜為

三縱亭侯詔內外羣臣舉守令之才六月庚子朔日有

蝕之徙章武王威爲義陽王郡國三十二大旱傷麥

書晉

校文一日五行志言凡郡國三十三旱其傷麥者爲扶風始平京兆安定紀概日大旱傷麥失實

秋八

月壬子星隕如雨詔郡國五歲刑以下決遣無留庶獄

九月東夷七國詣校尉內附郡國二十四螟冬十二月

癸卯立河間平王洪子英爲章武王

廿二史攷異十八日按河間王洪傳

洪二子威混威嗣徙封章武其後威繼義陽王望更立混爲洪嗣未知孰是又齊王問子有名英者不應與章

武同名此英字疑誤

戊申青龍黃龍各一見于魯國

十年夏四月以京兆太守劉霄陽平太守梁柳有政績

各賜穀千斛

書鈔三十九王隱晉書曰武帝太康十年詔曰陽平太守梁柳治績尤異賜粟千斛

秩中二千石案皇甫謐傳城陽太守梁柳謐從姑子也
水經河水注四千峻山側附路有石銘云晉太康三年
弘農太守梁柳修復舊道是柳又為城陽弘農二郡國
郡太守矣石銘題太康三年當在守陽平之前

八隕霜太廟成乙巳遷神主于新廟帝迎于道左遂祫

祭御覽五百二十八引王隱晉書作上帥百官奉迎於

年太廟成遷神主於新廟賜王公以下至司馬督子弟

官賜作廟者帛通典四十八日晉武帝太康中制太廟

神主尺二寸后主一尺與尺二寸中問木以栗又五十

一引河南人孫平子封事曰八年正月太廟毀陷改作
殿築階下及泉更營新廟遠致名材雜以大赦文武增
銅柱自八年九月造至十年四月乃成

位一等作廟者二等丁未尙書右僕射廣興侯朱整卒

癸丑崇聖殿災元本作賢周家祿校勘記曰作五月鮮

卑慕容廆來降東夷十一國內附六月庚子山陽公劉

瑾薨復置二社冬十月壬子徙南宮王承爲武邑王十

一月景辰守尙書令左光祿大夫荀勗卒帝疾瘳賜王

公以下帛有差含章殿鞠室火

晉書校文一日五行志繫於十月同火者尙有

修成堂暉章殿案宋書五行志作太康十年四月含章

鞠室修成堂前廡內坊東屋輝章殿南閣火又不繫於

十一月與本書甲申以汝南王亮爲大司馬大都督假

五行志亦異黃鉞改封南陽王東爲秦王始平王瑋爲楚王濮陽王

允爲淮南王竝假節之國各統方州軍事類聚五十一立皇子乂爲長沙

侯王表曰秦王楚王淮南王光濟碩孫毓賀封諸

美冠於羣后改建大國分鎮方岳王穎爲成都王晏爲吳王熾爲豫章王演爲代王皇孫

適爲廣陵王

類聚五十一孫毓賀封諸侯王表曰皇子皇孫並啟土字培敦潼索懿姁制宏往代

內輸皇畿外蕃九服書鈔七十晉官品令曰太康十年
皇子三人爲郡王領四郡爲城皆五萬戶華陽國志八
日八年武帝子成都王穎受封以蜀郡廣漢犍爲汶山
十萬戶爲王國易蜀郡太守號爲成都內史案是年封
皇子爲王者五人官品令作三人三立濮陽王子迪爲
當作五華陽志作八年爲十年之謬

漢王始平王子儀爲毘陵王汝南王次子羨爲西陽公
徙扶風王暢爲順陽王暢弟歆爲新野公琅邪王覲弟

澹爲東武公繇爲東安公湛爲廣陵公卷爲東莞公改

諸王國相爲內史十二月庚寅太廟梁折

讀史舉正曰下文太熙元

年正月書辛酉朔則庚寅當在上年十一月晉書校文
一日下文王戊奚軻男女十萬口來降庚寅至壬戌凡
三十三日不能並見於十二月兩日必有一誤案通典
五十一引柯南孫平子封事作十一月梁折毀壞是本
紀十二月當爲是歲東夷絕遠三十餘國西南夷二十
十一月之謬

餘國來獻虜王戊奚軻男女十萬口來降

讀史舉正曰下文太熙元年

年正月書辛酉朔而書壬戌于辛酉前尤倒置也

太熙元年春正月辛酉朔改元己巳以尙書左僕射王

渾爲司徒

讀史舉正曰太康元年司徒魏舒薨史失之

司空衛瓘爲太保二

月辛丑東夷七國朝貢

御覽七百八十七引晉起居注作太熙元年正月牟奴等國土

獻方物詳四夷傳注

琅邪王覲薨三月甲子以右光祿大夫石鑒

爲司空夏四月辛丑以侍中車騎將軍楊駿爲太尉都

督中外諸軍錄尙書事己酉帝崩于含章殿

晉書校文一日天文

志作庚申相去十二日未知誰爲實錄

時年五十五葬

峻陽陵

文選宋公至洛陽謁五陵表注郭緣生述征記云北邙東乾脯山山西南崇陽陵陵西峻陽陵

廟號世祖帝字量弘厚造次必於仁恕容納讜正未嘗
失色於人初學記九王隱晉書曰武帝少厲高明達善

謀能斷大事故得撫寧萬國綏靜四方承魏氏奢侈刻
弊之後百姓思古之遺風乃厲以恭儉敦以寡慾有司
嘗奏御牛青絲紉斷詔以青麻代之臨朝寬裕法度有

恆高陽許允既爲文帝所殺允子奇爲太常丞魏志夏侯玄傳

日高陽許允爲太尉司馬景王徙允爲鎮北將軍未發
以放散官物收付廷尉徙樂浪道死注魏略曰允字士
宗世冠族世語曰允二子奇猛奇字子泰晉元康中奇
爲司隸校尉晉諸公贊曰奇子遐字思祖以清尚稱位
至侍中世說賢媛篇注魏略曰允少與清河崔贊俱發
明於冀州仕至領軍將軍唐宰相世系表十三上曰允
字士崇魏中領軍鎮北將軍三子殷勁猛允孫式案士
宗與士崇未知孰是表載允三子與世語異且無奇名

恐表有誤字至表云孫式乃因其後世與宰相世系有
關故不及其他孫也御覽二百六十八山公啟事曰溫
令許奇等並見稱名雖在職各日淺宜顯報大郡以勸
天下又答山濤薦許奇等詔曰案其資履悉自足爲郡
守各以在職日淺則宜盡帝將有事於太廟朝議以奇
其政績不宜遂他轉也

受害之門不欲接近左右請出爲長史帝乃追述允夙
望稱奇之才擢爲祠部郎時論稱其夷曠平吳之後天
下乂安遂怠於政術耽於遊宴寵愛后黨親貴當權舊
臣不得專任彝章素廢請謁行矣爰至末年知惠帝弗
克負荷然恃皇孫聰睿故無廢立之心復慮非賈后所
生終致危敗遂與腹心共圖後事說者紛然久而不定
竟用王佑之謀遣太子母弟秦王東都督關中楚王瑋

淮南王允竝鎮守要害以彊帝室又恐楊氏之偪復以
佑爲北軍中候以典禁兵旣而寢疾彌留至於大漸佐
命元勳皆已先沒羣臣懼惑計無所從會帝小差有詔
以汝南王亮輔政又欲令朝士之有名望年少者數人
佐之楊駿祕而不宣帝復尋至迷亂楊后輒爲詔以駿
輔政促亮進發帝尋小閒問汝南王來未意欲見之有
所付託左右荅言未至帝遂困篤中朝之亂實始於斯
矣

制曰武皇承基誕膺天命握圖御宇敷化導民以佚代
勞以治易亂絕縑綸之貢去雕琢之飾制奢俗以變儉

約止澆風而反淳朴雅好直言留心采擢劉毅裴楷以
質直見容楷紹許奇雖仇讐不棄仁以御物寬而得眾
宏略大度有帝王之量焉於時民和俗靜家給人足聿
修武用思啟封疆決神算於深衷斷雄圖於議表馬隆
西伐王濬南征師不延時獯虜削迹兵無血刃揚越爲
墟通上代之不通服前王之未服禎祥顯應風教肅清
天人之功成矣霸王之業大矣雖登封之禮讓而不爲
驕泰之心因斯以起見土地之廣謂萬葉而無虞覩天
下之安謂千年而永治不知處廣以思狹則廣可長廣
居治而忘危則治無常治加之建立非所委寄失才志

欲就於升平行先迎於禍亂是猶將適越者指沙漠以
遵途欲登山者涉舟航而覓路所趣逾遠所尙轉難南
北倍殊高下相反求其至也不亦難乎況以新集易動
之基而無久安難拔之慮故賈充凶豎懷姦志以擁權
楊駿射狼苞禍心以專輔及乎宮車晚出諒闇未周藩
翰變親以成疏連兵競滅其本棟梁同忠而起僞擁眾
各舉其威曾未數年綱紀大亂海內版蕩宗廟播遷帝
道王猷反居文身之俗神州赤縣翻成被髮之鄉棄所
大以資人掩其小而自託爲天下笑其故何哉良由失
慎於前所以貽患於後且知子者賢父知臣者明君子

不肖則家亡臣不忠則國亂國亂不可以安也家亡不可以全也是以君子防其始聖人閑其端而世祖臧荀勗之姦謀迷王渾之僞策心屢移於眾口事不定於己圖元海當除而不除卒令擾亂區夏惠帝可廢而不廢終使傾覆洪基夫全一人者德之輕拯天下者功之重棄一子者忍之小安社稷者孝之大況乎資三世而成業延二孽以喪之所謂取輕德而捨重功畏小忍而忘大孝聖賢之道豈若斯乎雖則善始於初而乖令終於末所以殷勤史策不能無慷慨焉

晉書

卷三